

Acamp festiéu

Lou dissate 13 e dimenche 14 d'óutobre, se debanara l'Acamp festiéu annau de la Mantenènço de Prouvènço dóu Felibrige à Mount-Segur-sus-Lauzoun ounue se rendra oumage à Jan Boyer e Eugèni Martin.

pajo 4.



Prouvènço aro

Tóuti li mes, lou journau de la Prouvènço d'aro

Óutobre 2007

n° 226

2,10 €

Li sesoun e li fèsto

La veirino de Nouvè

Nouvè. Fèsto dóu soulstice d'ivèr, passage d'un an à l'autre, Nouvè es tambèn la celebracioun dóu reviéure de la naturo. Mistral i'a counsacra uno di grand veirino dóu Museon arlaten e i'es esta un biais pèr faire vèire lou dedins-d'oustau de la cousino e tóuti li gènt dóu mas.

Lou cacho-fiò. Dins la chaminèo, lou segne grand escampo lou vèire de vin sus lou calendau, un pège d'aubre fruchau, en prounounciant l'en-voucacioun rituel : «Alègre ! alègre ! Que Noste Segne nous alègre ! Calèndo vèn, tout bèn vèn ! Dieu nous fague la gràci de vèire l'an que vèn ! E que, se sian pas mai, nimai sieguen pas mens !

Lou gros soupa. Es pres sus li tres napo (Nativeta, Circuncisioun, Epifanìo), au lume de tres candèlo, simbèu de la Ternita. Es un soupa maigre mounte se manjon li proudu dóu terradou: cacalaus, àpi e cardo à l'anchouiado, muge is óulivo... e li trege dessèr : cachat, fougasso, poumo, pero, pruno, figo seco, panson, amelo, nose, confituro, pasto de coudoun, nougat d'amelo, nougat blanc...

Respelido

Coume l'avié presenta, lou 4 de sèmble passa, Jan-Nouvè Guerini, lou président dóu Counsèu generau, lou projècte de renouvacioun dóu Museon Arlaten se met en plaço. Se dis uno óuperacioun de requalificacioun.

Irramplaçable liò de memòri de la Prouvènço, lou Museon Arlaten, museon despartamentau d'et-nougrafio, es intra dins lou giroun dóu Counsèu generau di Bouco-dóu-Rose despèi 2000. Rèsto pamens lou patrimòni maje de la vilo d'Arle, assousta dins de bastimen classa. Lou travai de restauracioun començò aquest an e va perdura quauquis annado.

Dóu tems dóu chanté, lou Counsèu generau vai crea un Museon « foro li muraio » e ansin la prougramacioun culturalo richo e diversifiada countuniara en s'apeilant sus lis àtris establimen cuturau de la comunio e dóu despartamen di Bouco-dóu-Rose.

Museon Arlaten



Escrivan

Au rescontre dis escrivan de Prouvènço à Nans-lei-Pin, lou 4 de nouvèmbre.

Pajo 4

Anniversari

L'abat Jan-Francés Feraud (1725-1807), lenguisto e prouvençalisto.

Pajo 6

Libre nouvèu

"Fino... e Cesar" un rouman en tres voulume de Pierre-Dominique Testa.

Pajo 3

La nacioun bilengo

L'article 2 de la Constitucioun vai èstre revisa: "la lengo de la Republico es pas soulamen lou francés", d'aro en lai vai courriù emé l'anglés... D'efèt, es lou President de la Republico que l'a fa saupre à soun Menistre de l'Educacioun Naciounalo, lou Savié Darcos, fau faire de la Franço uno nacioun bilengo. Es ma maire m'a fa... la lengo de Shakespeare es aro la lengo de tout lou mounde... Eisecucioun... lis escoulan de Bretagno, de Corso vo de Prouvènço... an d'aprene lèu-lèu à barjaca l'anglés, la lengo dóu mounde entié.

pajo 2.